

AFFVLGENTE NUMINE DIVINO!

DIÆTA
LITERATORVM,

INDVLTV

*Magnifici ac Gratosi Ordinis
Asclepiadei,*

SVB TVTELA

GEORGII WOLFFGANGI WEDELII

MED. DOCTORIS,

ET THEORETICES PROF. PVBLICI,

*Patroni ac Præceptoris sui observantiæ cultu submisso
prosequendi,*

CENSVRÆ PHILIATORVM PVBLICÆ

à

IOHANNES ROTTENBERGER/

Ilmo - Schwartzburgensi,

proposita

IN AVDITORIO MEDICORVM,

die Januarii

ANNO CIO IOC LXXIV.

EDITIO QVINTA,

cum

Additamentis PARADOXIS.

J E N Æ

LITERIS KREBSIANIS. MDCC IX.

58700 (22)





Συνὲ τῷ Θεῷ.



Vid de Diæta senserit *Paracelsus*,
ejus declarant facta, dictaque
confirmant. Nocte ac die ebrie-
tati litabat, mentisque suæ satis
compos raro repertus, ægris ratio-
nem vivendi liberam sine ratione
concedebat. Hunc secutus *Helmontius*, nisi peiori,
parili saltem in Diæteticen utitur injuriâ, dum eam
lib de vict. rat. proditricem æstimat ignorantix cau-
sarum, veræ medicinæ & præpotentis remedii. Sa-
nationes, *inquit ibidem §. 4.* medicaminum sunt, non
ciborum effectus; Pudit me hujus partis.

Verumenimverò in quo pretio scriptoribus hi-
sce diæta fuit, in eodem meritò eorum de diætâ ju-
dicium.

Quantum cibi ac potus, rerumque nonnatura-
lium reliquarum regimen in viribus reparandis, con-
servandis, indole quoque nativâ immutandâ ac cor-
rigendâ polleat, pluribus, ni brevitati hîc studendum,
demonstrari posset. *Verulamius lib. 3. cap. 1. hist.*

nat. se natum, scribit, parente non senio solùm, sed multis infirmitatibus & nimio medicamentorum usu confecto, adeoque à vitæ suæ initio habuisse corpus adeò debile & malè constitutum, ut Medici determinatè assererent, fieri naturaliter non posse, ut annum 14. attingeret: Se tamen victus usu accurato, & fugâ studiosâ eorum, quæ sibi experiebatur noxia, prolongasse vitam jam tum, cum hæc scriberet, ad annos 60. non abs ipse eam ulterius producendi.

Hædi ovium, agni caprarum lacte nutriti mirè immutantur: hi lanam duriores, illi capillum tenuiorem acquirendo. Arbores quoque ac plantæ variant non tam ob seminis, quàm alimentorum ac ambientis aëris varietatem. Quid dicam de ingeniis hominum? Nonne ea diversimodè comparata esse, prout rerum non naturalium diverso, ipsa loquitur experientia? Nec ipsa medicamenta ad placitum operantur unquam, si error in rebus non-naturalibus committatur, etiam ex mente *Galen*i, libro *de Theriacâ ad Pampbil. cap. 4.* sic scribentis: *οὐδὲν ἔτι πῶς ὅτιν ἰσχυρὸν ἐν ἰατρικῇ βοήθημα, ὁ πῶς ἐξ αὐτῶ γνωρίζω ὄνησιν δυνάται ἐπαγαγεῖν, ἢ ἀντιπαρασώμενον ὑπὸ καὶ διασταν, ἢ μὴ σωπερίεμενον, nullum enim tam efficax remedium medicina habet, quod solitum auxilium afferre queat, si ei victus vel resistat, vel non cooperetur.*

Hæc inter alia me moverunt, ut partes *Paracelsi*

*ſi ac Helmontii deſeruerim, atque Diætam, Literato-
rum præprimis, ſanitati accommodatam, pro inge-
nii modulo exercitii gratiâ tractandam elegerim.
Conatui huic ut Numen ſupremum faveat, mente
contendo humillimâ.*

SECTIO I.

Etymologiam ſiſtit cum Definitione rei.

CAPVT I.

De Etymo.



Diætam Literatorum examinaturus ſucceſſu
vix gaudebit proſpero, niſi vocum etymon
quodammodo habeat perſpectum. Pauca
hinc prælibanda de eo duxi, ne in ipſius rei
conſideratione ſignificatus varius turbas
queat excitare.

Diætam volunt Diætam ἀπὸ τῶν ἀγίων, h. e. à conui-
viis, quæ in ea peragebantur: *Varroni* origine Latina eſſe
dicitur, quod in ea *per diem* ederetur. Vndecunque de-
rivetur, ſignificatum obtinet varium in foro tam Medico,
quam Politico. *Ariſtophanes* eam pro coenaculo ac loco,
ubi hoſpites excipiuntur, uſurpaſſe legitur. Aliis locus eſt,
ubi ad iudicium conueniunt arbitri, nec raro apud *ICros*
diæta audit ein Landtag / *vid. Sprenger. de comit. paſſim.*
Medicis diæta (1) eſt decoctum ad alterandum ſimpliciter,
vel vacuandum ſenſibiliter aut inſenſibiliter comparatum.
De hoc pluribus agit *Morell. lib. 1. ſ. 1. cap. 13. Meth. præſcr.*
form. (2) Moderatio alimentorum. (3) Eſt regimen

omnium sex rerum non-naturalium, quatenus iis aut vires sanitatis integras conseruare, aut inclinantes retinere annitimur. *Conf. B. Schenck. Inst. p. II. p. m. 97.*

Literati hic non sunt (1.) quocunque modo literati, seu literis notati. Nec (2.) illi, qui Musis quidem dedere operam, at castra earum tandem deseruerunt, ac negotiis domesticis solis incumbunt. Verum illi hic veniunt considerandi, qui curas ac labores suos studiis consecrant, vitamque ut plurimum sedentariam agunt.

CAP. II.

Definitionem proponit.

VT, quæ acceptio in præsentiarum obtineat, clarius pateat, lubet hanc definitionem siue potius descriptionem, plurium verborum anfractu seposito, dare: *Dieta Literatorum est usus rerum non-naturalium, Literatorum sanitati idoneus.*

Definitio quæuis duplici absoluitur conceptu, *communi ac proprio*. Istius locum sustinet usus rerum non-naturalium, qui & senum & infantum, etiam nondum lucis usura fruuentium, diætæ conuenit.

Cum autem Literatorum diætæ peculiaris habeat ab aliorum regimine, reliqua addenda erant verba, ut iis conceptus proprius innueretur, & sic ab aliis distingueretur. Sensus definitionis erit clarior, ubi verba, e quibus constat, erunt examinata.

Usus vocabulum h. l. non utilitatem ac commoditatem aliquam, sed ipsum utendi actum significat.

Rerum non-naturalium nomine veniunt istæ, quæ inter naturales ac præternaturales quasi mediæ sunt, sanitati-
que

* (7) *

que & prodesse & obesse possunt, sex vulgo numeratæ: (1) Aer. (2) Cibus ac potus, & eo relata abstinencia. (3) Somnus & vigiliæ. (4) Motus & quies. (5) Excreta & retenta. (6) Animi παθήματα. Harum regimen vulgo in Diætam naturalem, vitalem & animale[m] diuiditur.

A Pergameno l. i. de sanit. tuend. c. vlt. in quatuor distribuuntur classes, sc. in προσφερόμενα, περιττόμενα, ἀφαιρόμενα, καὶ ἐκκρινόμενα, h. e. in ea quæ assumuntur, geruntur, foris accedunt, excernuntur.

Corpori ita necessaria sunt, vt ne viuere, multo minus sanitate integra frui sine illis liceat. In determinando igitur harum vsu legitimo sudarunt autores plurimi, iiq[ue] Clarissimi, Cardanus, Ficinus, Horstius, Sennertus aliiq[ue]. Sed vt passim in foro medico accidere solet, facilius ac promptius regimen earum præscribitur, quam obseruatur, tum ob multorum mores medicis consiliis contrarios, tum etiam fortunam quorundam tenuem, hanc vel illam diætam seuerè prohibentem.

Loco postremo posita vox *Idoneus* requirit, vt ne in quantitate, qualitate, vtendi modo, tempore aut aliis circumstantiis committatur error. Quæ vt distinctius appareant, de singulis rerum non-naturalium, seorsim erit agendum, & quidem in

SECTIONE II.

Examinanda ΠΡΟΣΦΕΡΟΜΕΝΑ.

CAPVT I.

Aerem Literatis designat.

A Er pabulum tum sanorum, tum ægrorum momentaneum, mutationes varias tunc patitur, quando ipsi particulæ

ticulæ associantur, nunc salinæ, nunc sulphureæ, nunc mercuriales, arsenicales aliæque venenosæ, pro anni tempore, coeli constitutione, locisque, quæ permeat diversis.

Et hæ mutationes non possunt non communicari cum corpore, cum aere ipsi carere nec minimo liceat tempore, &, elogio *Herodoti*, mutationibus eiusdem præcipue existant in hominibus morbi. Afficitur proinde nunc humiditate, nunc siccitate, nunc frigiditate, nunc caliditate, nunc alia qualitate.

Hinc quæstio oritur, quinam Literato, ut non minus corporis, quam mentis vigor ei conseruetur, conveniat? Cum individua secundum temperamenta itemque *ἰδιόσυμφορας* mirum in modum differant, & differentiæ istæ accurate comprehendere a Medico sæpe difficulter queant; eligendus primo aer temperatus, deinde attendendum ad nocentia atque iuuantia. Quemlibet igitur, non modo in aeris, sed & in omnium rerum non-naturalium usu, corporis sui constitutionem scrutari oportet, & quid sibi proficuum, quid contra ea nocivum, observare. Hinc quæstioni propositæ vix satisfaceret, si generaliter aut frigidus, aut calidus &c. aer literatis conveniens statueretur. Dantur casus, ubi frigidus nocet, calidus prodest, præprimis post exercitia immodica frigiditate pori obstruuntur, sicque effluvia retinentur, quæ retenta putredini, lassitudini præternaturali, febribus aliisque malis fomitem subministrare possunt facile inflammabilem. Quare consultum minime videtur, post exercitia ad sudorem usque continuata, in loco subterraneo aut alio frigidiori levamen quærere. Dantur etiam casus, ubi contrario modo concludendum; Qui enim tempestate hyberna membra frigore rigentia calidiori foco credit, ex subsequenter symptomatibus male se egisse sentit.

Si iudicii ac memoriæ actiones, quibus occupatos præ ceteris Literatos vitæ genus esse iubet, respiciantur, itidem absolute nec calidus, nec frigidus conueniens dici meretur omnibus. Actio seu operatio iudicii tam prospero successu non gaudet, quando suscipitur in aere frigido, quam quando in calido. Calida aeris constitutio spirituum motui amica, & consequenter ideis pluribus formandis aptissima. Frigidior contra temperatura actionibus memoriæ fauet, hærentque tenacius, quæ loco frigidiori quis, tardius licet, quam quæ calidiori addidicerit.

Breuitè decidi quæstionem putarim, assignando cuius temperamento & actioni aerem proportionatum, h. e. qualem quodlibet requirit indiuiduum.

A *Sennerto inst. l. IV. p. 1. cap. 2.* ille quidem optimus censetur, qui in qualitatibus primis est temperatus, purus, nullisque inquinamentis infectus, serenus, lenibus ac suauiter spirantium ventorum flatibus agitatus, quique salubribus pluuiis interdum irrigatur. Paucis interpositis pergit: Talis aer calorem temperatum conseruat, spiritus illustrat ac recreat, sanguinem attenuat, corpus in integra sanitate conseruat, & ad actiones omnes alacre reddit, omnique ætati ac temperamento salubris est.

Annon vero Literatis, qui calidioris sunt naturæ, aer salubris sit etiam ille, qui ad frigidum inclinat, negare non auesim. Arbor incurua, si recta optetur, in latus oppositum blande est retorquenda. Hic loci a *Pansa* non dissentendum reor, dicente: Aer temperatus temperato in primis homini, frigidior calidiori, calidior frigidiori, siccior humidiori, humidior sicciori hominis naturæ vtilior. *Vid. lib. 1. de prerog. vit. p. m. 102.* *Jonstonius*, ob iudicii rationem Literatis habendam, iubet functionem eius defendere, roborare, ac in statu naturali conseruare, aere (1) subtili, (2) puro, (3) odoratiori.

Talem præ ceteris anni temporibus vernum suppeditat, quando arbores foliis se induunt, brachiaque sua floribus ornant fragrantibus. Deambulatione tunc temporis instituta moderata, præprimis locis iis, vbi tiliarum prouentus felix, mirum quantum vires roborentur animales.

Roborantur ac reficiuntur quoque, quando aer temperatur flatu subsolani. Ventus hic, vtpote e calida ac sicca mundi plaga spirans, calidæ siccæque naturæ esse solet, viribusque nostris admodum gratæ. Sequitur inde Musea esse debere Orienti exposita, vt liberum purumque admittant aerem. Nec incommodum, fenestras quoque aperire Muscorum ac Bibliothecarum, vt conclusus aer ventiletur, atque a putredine præseruetur. Eundem in finem granaria in fastigiis ædium, cum fenestris ad orientem ac septentrionem, *Verulamius* collocari commode scribit.

Septentrionalem quod concernit, respectu orientalis secundum salubritatis gradum obtinet, & frigidus statuitur ac ficcus. Dignum notatu, quod in seminio venenato profligando reliquis omnibus palmam præripiat, adeo, vt pestis ex eo oriri solita, raro aut nunquam tempus hybernum, quo Septentrionales dominium vtplurimum tenent, superasse sit obseruata.

Occidentales tertio ponuntur loco, frigidi sunt ac humidi, potiusque vegetabilium, quam animalium generi proficui.

Meridionales, vtpote vastum mare & maximas paludes transeuntes, putredinis miasmata secum vehunt promptissima. Caliginem visui obducunt, caput grauant, sua dum humiditate partium fermentationem blandam ac naturalem impediunt. Plura qui desiderat hac de materia, adeat *Sennertum*, *Quercetanum*, *Magirum*, *Horstium*, aliosque.

Studiosus sanitatis, propriam naturam exploratam habens, ex dictis quodammodo perspicere potest, quemnam ad-

mitte-

mittere aerem debeat, quo minus in actionibus naturalibus impediatur; utque pro circumstantiarum ratione alteretur, corporique amicus reddatur, per contraria corrigendus est.

Aer, qui contraxisse præsumitur *μιασμα* venenata, corrigi debet accensis *baccis* atque *fruticibus iuniperi*, *foliis absinthii ac ruta*, itemque *cornibus* varii generis. A *Sennerto lib. 4. c. 5. de pest. præf.* commendatur pulvis sequens:

℞ *bacc. iunip. m. iv. herb. ruta, sabina,*

rad. helenii, cort. ext. betul.

corn. hirc. rasp. a. m. ij. fol. querc. myrrb. a. 3j.

M. F. Pulvis.

In constitutionibus malignis etiam aerem atomis atque effluviis animatis imprægnatum nos inficere, tradit *Kircherus lib. de peste*. Emendari autem potest putredinem inhibentibus, ambusto *absinthio*, ☉, *nitro*, in aceto & aqua decoctis. Exhalans vapor ea exanimat & internecioni tradit, paria huic præstat suffimentum ex *pice*, ☿ & *sale*.

Cum individua, ut dictum, discrepent, hoc loco monendum, ut quilibet ea eligat suffumigia, quæ naturam suauiter afficiant. Quibusdam nauscam quædam excitant, aliis alia suffocationis periculum minitantur, quod a posteriori ut plurimum saltem a Medico cognoscitur. Nec subticendum, quod in suffitibus fumus densior ac crassior, ex optimis ac pretiosissimis licet excitatus simplicibus, plurimum obsit viribus animalibus: hinc e Museis exeundum, donec dispergantur nebulæ crassiores.

Calidus ac siccus aer, si cui molestias pariat, temperari potest linteis madidis in conclauibus suspensis, perfusionibus ex aqua frigida factis, sparsione foliorum *vitis, salicis, nymphae, rosarum*, aliorumque refrigerantium ac humectantium.

Frigidum emendare docet *Horatius, lib. 1. Carm. Od. 9.*

*Dissolue frigus, ligna super foco
large reponens: atque benignius
deprome quadrimum Sabina,
O Thaliarche, merum diota.*

Austrinus ac humidus aer corrigi aut euitari solet clausis conclauibus, foco luculento, stratisque per Musca floribus salvia, lauridula, rorismar. maioran. thym. serpill. nec non fumo, quem succinum, thus, styrax calamita, benzoe, sandaraca Arabum, seu gummi iuniperinum, tacamabaca, elemi, anime, mastiche, ladanum, aliaque ex his composita accensa præbent.

Accidit nonnunquam, ut tempora nocturna Literati studiis consecrare cogantur, sicque opus habeant candelarum usu. Harum fumo vero cum aer in museis ac conclauibus mirum in modum alteretur, imitandum famæ illustris virum putarim, qui fumum candelæ tubo e laminis ferreis parato per fenestram pulchre educit. Quando vero aeris noxa propter rationes ineuitabiles ferenda, Literatus eo dirigat curam, ut resarciatur reliquarum rerum non-naturalium usu commodo. Nec consuetudo ex animo mittenda: consuetus quippe aer, deterior licet, insueto, utut salubriori, salubrior.

CAPVT II.

*Quid in alimentorum assumptione
obseruandum, determinat.*

Corpus humanum horologio concinne comparatur. Hoc si cura decenti tractatur, & oleo convenienti tempestiue inungitur, vsui destinato aptum, & ab aeris iniuria aliisque incommodis illæsum diu conseruatur. Corpus nostrum, omnesque e quibus compositum est partes eius rite funguntur officio, modo decenti tractentur alimentorum usu. Hoc obser-

obseruatur, quando in assumptione alimenti (1) ποσότης *Quantitas*, (2) ποιότης *Qualitas*, (3) χρόνος *Tempus*, (4) τρόπος *modus* τῆς χρήσεως, *utendi ordo* caute attenduntur.

Ratione *Quantitatis*, Literati, cuiuscunque ætatis, eo laborare debent, vt assumpta non virium gravatio, est instauratio excipiat; siue, tantum ventriculo propinandum, quantum sine mentis operationibus impeditis possit concoquere. Id qui obseruat, curam sanitatis gerit prudentiorem iis, qui cibum ac potum pondere ac numero certo mensurare solent. Quod idem notatu dignissima verba *Hippocratis l. de ver. medic. c. 15. & 16.* requirunt: Δεῖ γὰρ μέτεσσι πρὸς σοχάσασθαι. Μέτεσσι γὰρ ὁ δὲ σπυρμὸν, ὁ δὲ ἀριθμὸν ὁ δὲ ἀλλοὺς πρὸς ὃ ἀναφέρεται εἰσὶν τὸ ἀκρίβες, ὅτε δὲ ἐν εὐερίῃς ἀλλο, ἢ τῷ σώματι ἢ τῷ αἵματι. *Oportet modum aliquem coniectare. Modum autem, neque pondus, neque numerum aliquem ad quem referas, cognosces: certitudinem enim exactam non reperies aliam, quam corporis sensum.*

Quantitatem variant tum anni tempora, tum Literatorum conditiones diuersæ. Hyeme plus, quam æstate, cibi ingerendum suadet calor tunc temporis conclusus, coctionemque mire promouens. Sanguinis etenim particulæ subtiliores, calidiores ac concitatiores, non tam facile per cutis poros, frigore tum coarctatos, quam æstate transpirant; quapropter maiori copia in ventriculum aliaque membra feruntur, digestionem ac coctionem adiutum. Consentit *Cartesius epist. 52. p. 7.* Pro varietate conditionum, quorundam fortunæ corporis exercitia permittunt, qualia sunt saltandi, equitandi, digladiandi & similia, de quibus *Moscherosch de Exercit. Academicis* consuli potest: Quorundam vero res angusta domi ea prohibet, iuuatque hos doctis impallescere chartis. Illos manu liberaliori cibare omnino decet: Hos non item. Ratio est, quia meditationibus continuis actiones naturales non, vt mo-

tionibus ac corporis exercitiis, promouentur, sed sufflaminantur. Ne tamen natura horum plane succumbat, erigi ac confortari potest gutt. aliquot *spiritus Oli simplicis, philosophici, salis, elixiris proprietatis, pilulis alocephangin.* horulæ spatio ante pastum, aut, pro circumstantiarum varietate, tempore matutino assumtis.

Abſtinentiam facili negotio medici præſcribere poſſunt illis, quos parce cibare ſors iubet tenuior. Verum quibus fortuna epulas conceſſit lautiores, difficulter ſuadetur; admodum enim moleſtum, cibos delicate apparatus uſurpare ſaltem oculis. Tollere omnem moleſtiam poſſunt ac debent commoditates, ex abſtinentia ac frugalitate emergentes, quas longa ſerie enumerat *Leſſius in Hygiaſtico p. m. 58. ſeqq.* Nec in exceſſu nec in defectu peccandum, ne morbi contingant, *vid. 1. aphor. 4. & ſeqq.* Non viuere oportet, vt edas, ſed edere, vt viuas. Male igitur faciunt illi Literati, qui ad demenſum cibant, vix id corpori ſuggerentes, quo neceſſe habet, multo minus ad ſatietatem.

Multi etiam delinquant, qui exiſtimant, oportere ſe mundo emori, abducere ſe omnibus conuentibus familiari- bus, & libris, non Libero inhærere. Sed merito non inuidendum literarum amatoribus, vt interdum ad refocillandos ſpiritus hilarius viuant, dummodo modus non excedatur, quæ verba ſunt *Laurembergii comm. in mnemon. Ciceron. a Nobiliſſ. & Excell. D. PRÆSIDE edito.* Sin vltra terminos tranſitus fiat, potiſſimum quoad potum, cogitandum eſt cum Cyro apud *Xenophontem*, vino mixtum eſſe venenum, memoriæ putata, ingenii ac iudicii.

Si quis vero exceſſus fuerit commiſſus, abſtinentia corrigitur commodius, quam medicamentis purgantibus, atque exercitiis vehementioribus. Sic natura ſibi relicta digerenda digerit,

digerit, fermentanda fermentat, corporisque discordiam concordem, sine qua nulla operationum feliciter perficitur, restituit.

Ratione Qualitatis ea hic locum habent præ reliquis, quæ partium sunt tenuium, euchyma, cum quadam humiditate iuncta. His non modo vires reparantur animales, sed & obstructions aluinæ, cerebri functionibus maxime infectæ, præcauentur. Nulla tamen regula sine exceptione, igitur neque hæc. Etenim alii particulis abundant salinis; alii \square reis; alii serosis; alii sulphureis, vt, qui eundem cibum, etiam optimum in suo genere, omnibus commendare auderet, frustra esset. Ἰδιοσυγκρασία cuiuslibet est respicienda, quidque hæc admittat, quid respuat, probe expendendum. Si vero quaratur, an varietate ciborum vti concessum sit literato; Distinguendum nos docuit *Nobil. D. PRÆSES, Preceptor devote colendus*, inter varietatem æqualem & inæqualem. Si cibi non contrariis pugnantes frontibus assumantur, bonum est, & hæc varietas tum appetitum delectat, tum stomacho potius prodest, quam nocet. Ea vero quæ sunt inæqualia, absint a mensa, καὶ γὰρ ἀνόμοια σαράζεις, *inæqualia*, Coi testimonio, *seditionem mouent*. Hinc lacticia & acida, dulcia cum amaris, medicamina cum alimentis, aliaque eiusmodi discordia non facile commisceat. Etenim caseus, iuscula lactis & alia lacticia, cum cibis ex aceto, vino austero, cereuisia vetustiore, aut alio quouis acido paratis assumpta præcipitantur, corrumpuntur, naturæque nostræ qualitates inimicas adsciunt, sicque arthritidis, calculi, scabiei, scorbuti, mali hypochondriaci, aliorumque affectuum melancholicorum semen in corpore spargunt.

E vegetabilium genere quæ petuntur alimenta, ac referta sunt facultatibus medicamentosis, cum difficultate aliqua co-

quum.

quuntur ac assimilantur. Quæ animalium genus suppedi-
tat, & magis familiaria sunt naturæ, præ prioribus expetenda.
De vtrisque prolixè *Sebizius Tract. de Alimentis* scripsit. O-
ptime sibi consulit Literatus, qui ventriculum & vegetabili-
um ac animalium generi assuefacit, adhibita per aromata, si qua
opus, correctione. Sic mutationes pro necessitate ferendæ
feruntur facilius, & noxiæ qualitatis alimenta sæpe redduntur
innoxia, secundum illud *Hippocraticum*: τὰ ἐκ πολλῶν χρόνων
συνήθη, καὶ ἢ χεῖρω, τῶν ἀσυνήθων ἥσσον ἐνοχλεῖν εἴωθε. *Consuetudo*
multo tempore, etiamsi deteriora fuerint, inconsuetis minus mo-
lestare solent, 2. aph. 50.

Ratione Temporis siue quantitatis discretæ, consuetudi-
ni pariter ac temperamento obsequendum. Consuetum tem-
pus subito temere mutatur. Bis igitur de die cibo refici so-
liti, dum & sanitati & negotiis conuenienter agunt, consuetu-
dinem non mutant, nisi etiam constitutionis propriæ muta-
tionem timere velint. Gracilioribus tamen nonnulli sæpe,
at parum vna vice, comedere vsui esse contendunt. Dan-
tur alii, qui sæpius per diem ventriculum infarciunt, eum in
finem, vt formam sibi concilient speciosam ac amœnam, sed
id sæpissime efficiunt, vt tabe conficiantur, seque formæ amœ-
nitæ pristina defraudent. Nec id mirum, quem enim fu-
git a superfluitate assumptorum abundantiam serositatum, ab
hac caloris ac coloris mutationem, temporisque successu nu-
tritionis deprauationem oriri? Noctu alias coctio, interdum
distributio melius perficitur.

Ratione Ordinis in id incumbendum, vt lubricantia præ-
mittantur: strictoria vi prædita agmen claudant. Sic præ-
cauentur obstructions, febres, aliaque mala nervoso generi
periculum minantia. Quibus tamen aliud ultra debitum a-
perta, ordine inuerso vti conuenit. Nec me in hac sententia
ter-

terret experientia anatomica, quæ cibos in ventriculis multorum animalium sine ordine positos demonstravit. Sicciores cibos potus interstitio irrigandos iubet fermentatio, quæ in humido, quam sicco, negotio promouetur faciliori.

Potulenta fortiora, qualia sunt vina Hispanica, ex Italicis quædam, præprimis Neapolitana aliaque, quibusdam aqua diluere in usu. Num id Literatis proficuum, dispicere lubet.

Minus salubre id esse euincere videtur aquarum cruditas, quæ apta nata 1. ad coctionem ventriculi & fermentationem retardandam; 2. imbecillitatem progenerandam: 3. spirituum agilitatem sufflaminandam, Literatis maxime necessariam.

Hæc tamen obstacula firma adeo non sunt, ut affirmantium viæ insistenti resistere possint. Non inficias eundem, aquis cruditatem inesse, ob quam liberius sumtæ ventriculi tonum laxant, & fermento eius prius obtuso & eneruato, fermentationem naturalem impediunt. Ast forti vino commista aqua constituit misturam gratissimam, cruditasque aquæ corrigitur actiuitate vini excedente, ut duo hæc iuncta coctionem magis promouere possint, quam alterutrum sumtum liberius. Hinc *Excell. Dn. D. Tackius Chrysog. sua animal. & mineral. p. m. 99.* Dilutum, inquit, aqua merum, ut antiquis præferri cœpit: Sic dolendum, hodierno nostro seculo id ipsum in mortaliū detrimentum euilescere cœpisse, cum sic nocituri spiritus frangantur, faculentiaque terrestres rectius ad ureteres, mediante lymphâ, deducantur, neque tam cito coagulationi spiritus vini pareat, si sit temperatus. Notum enim est, quam subito coaguletur vini spiritus subtilissimus, correptus a spiritu urinæ. Vnde sabulum, coagulationes sanguinis, calculi, obstructions, affectus scorbutici, putredines, empyemata & abscessus, seu sensuum torpores, motus imbecillitates & tandem repentina abolitio principum facultatum.

Quando igitur aqua (2) imbecillitatem generare dicitur, id de aqua interpretandum venit simplici, & quidem liberius iusto sumta. Vino infusa fortiori vires ventriculi ita tutatur, ut vini aculeos ferre possit innocuos. Mihi procul dubio assensum præbent, qui Baccho ultra debitum litarunt, ardoremque ventriculi e vino fortiori contraxerunt. Restinguere hunc tentant aquæ potu, & sane negotium ita succedit, ut scripto metrico gratum erga aquam animum testandum existiment. Rationi non dissona hæc videtur cura; spicula namque, quæ vinum ventriculo non minus, quam toti corpori destinat, retorquentur & aquæ immittuntur, quæ in modica quantitate assumpta sic quodammodo subtilisatur, & cruditatem, quam natura sua habebat, amittit, reliquisque humoribus amice consociatur, modo pro circumstantiarum ratione quies loco idoneo haustum excipiat iucunda.

Nec (3) spirituum agilitas patitur nocumentum, modo non ipsum vinum sit *ὀλιγοπρόεον*, & ob aquositatem excedentem aquæ parum vel nihil ferat. Potius remora ipsis aduenit ex usu vini meraci. Hoc prima fronte a veritate alienum cui-dam videri posset, ob spirituosas & ad motum promptissimas vini particulas. Qui vero manu chimica tractauit vinum, facile fatebitur, illud non tantum spiritu subtili, penetrante ac confortante turgere, sed tartarea, salina ac sulphurea, narcoticaque substantia, spiritibus, adeoque Literatorum actionibus, modo peculiari infensa. Hanc affusio aquæ modica diluit, temperat, sicque impedit, quo minus facultates narcoticæ spirituum agilitati resistere possint.

Sunt etiam aliæ vini correctiones in usu, per *succos acidos citriorum, limonum & aurantium*, quæ ut tutæ sunt ac iucundæ; sic merito commendandæ.

Cum in præparatione alimentorum etiam respectus personarum

sonarum sit habendus, capiti huic annexere lubet præceptum *Pansa*, iis fortasse, qui in Academiis viuunt, non insuper habendum. Coqua, *inquit p. m. 128. lib. de pror. vit.* sit lepida, formosa, non austerâ, sed gratiosa, non annis pannisque ob-
sita, ad cuius in mentem reuocationem nonnulli in vomitus periculosos incidere solent. Omnis spurcities invisa nostræ naturæ. At quænam hæc mundities, si coquæ foco adstantes de pulicibus capiendis sint sollicitæ? Cuiusmodi bestiolas sæpe tanto insequuntur ardore, ut istæ præ nimio terrore de fuga sibi prospicere, & charybdin deuitare volentes in Scyllam incidant, & iusculis quandoq; immersæ pereant. Quis non abhorreat eiusmodi sordidas venatrices, ad fues ablegandas?

SECTIO III.

Sistit τὰ πρᾶτ' ὄµενα.

CAPVT I.

De Somno Literatorum.

Somnum ac vigilias moderate se habentia, ad corporis non minus, quam animi functiones pondus afferre maximum, experientia quotidiana loquitur. Sed ut πᾶν τὸ πολὺ τῇ φύσιν πολέμιον, omne nimium natura inimicum; ita & somnus ac vigiliæ, utraque modum excedentia mala sunt, 2. *aphor.* 3. Somno nimio qui dediti sunt Literati, humoribus pituitosis replentur, mentis aciem amittunt, memoria priuantur, stuporeque ac segnitie obruuntur. Somnus refectioni necessarius est, hunc tamen si per dies & noctes continues, mors erit, eleganter ait *Seneca l. de T. A. p. 333.* Vigiliis contra indulgentes immoderatis, primo patiuntur affectus iam recensitis contrariam faciem repræsentantes, tempore vero subsequente iis-

dem redduntur obnoxii. Ratio videtur esse, quod continuis vigiliis nimis agitantur spiritus animales, qui affectuum calidorum sic agitati ut plurimum causa existere solent. Cum vero fermentatione & agitatione hac præternaturali particulæ in humoribus actiuæ sensim ac sensim euolent, sanguis vapescere quasi, adque constitutionem frigidam disponi incipit. Hæc ut præcaueantur, somnus Literati sit (1) moderatus, (2) nocturnus, (3) non statim a cœna capiatur, (4) decubitu fiat conuenienti.

Somnus (1) moderatus tunc est, quando durat ad coctionem absolutam, viriumque reparationem. Idque in mediæ ætatis literatis communiter septem, octo aut nouem, horis contingere statuitur. Septem horas nonnulli præcise determinant; Sed limitatione omnino opus est, & distinguendum inter ventriculi coquentis, & alimenti coquendi constitutionem ac qualitatem. Imbecillitate ventriculi quadam laborantibus dormiendi terminus longior constituendus, id quod a *Celso* approbatur *lib. 1. c. 2.* Qui bene concoxit, mane tuto surget: qui parum, quiescere debet, &, si mane surgendi necessitas fuerit, redormire: qui non concoxit, ex toto quiescere, ac neque labori se, neque exercitationi, neque negotio credere. Etiam alimenti tum maior quantitas, tum quoque cruditas somno longiori uti, plurisque calentibus diutius solito inhærere iubet, si quis per diem studiis suis idoneus viuere velit. Aurora musis amica, sed saluo corporis debito. Non defraudandum est corpus quiete, ut vigilet animus; danda est remissio animo, ut corpus melius & alacrius a quiete surgat:

II. Nocturnum diurno præferendum dicitur (1) noctis suaue silentium, quo fit, ut sensus minus irritentur obiectis. (2) Umbra nocturnæ, quæ idem præstant. (3) Constitutio aeris frigidior, qua pori clauduntur, viscerum coctiones promouentur, ac amico vapore cerebrum perfunditur.

Sæpe

Sæpe autem accidit, vt literatis ob causas inevitabiles vigilando nox sit transigenda, quo casu somno horas matutinas dicare conuenientius, quam pomeridianas. Peior somnus, ait *Cous Pranot. c. 9.* qui a tertia diei parte ad noctem vsque capitur, quam qui matutino tempore fit. Causæ autem assignari solent: (1) Brevitas temporis inter prandium atque coenam. (2) Somni meridiani affectus molesti; Replet caput vaporibus, sensus stupidos reddit, fluxiones concitat, corpus quasi ἐφθόν elixatum atque turgidulum reddit. (3) Fit contra τὸ συνήθες κατὰ φύσιν. Interdiu spiritus atque calor ad aerem lucidiorem mouetur sponte, quem somnus cogit viscera sua repetere. Inde fit, vt hinc inde distractus, ac corpus ipsum turbetur. Vid. *B. Rolfin. Ord. & method. comm. l. 2. Sect. III. c. 54. p. 125.* Non nocet vero adeo somnus meridianus, sed confert potius 1. debilioribus causariis, 2. siccioribus, & salinis humoribus pollentibus naturis, 3. qui debili sunt ventriculo ex coctionis defectu, præsertim si consuetudo, ætas & alia id permittant. Nocturnum vero somnum commendamus literatis non solum, quatenus opponitur diurno, sed & vigiliis & lucubrationibus nocturnis. Olent lucernam sæpe scripta, sed corpus a Pallade pallorem mutuatur, a Minerua hac nocturna minuuntur nerui: Non vim suam habet ventriculus, eleganter ait *Barclaius*, evocato ad laborantis cerebri subsidium igne; non cerebrum, intempestiuo sollicitatum studio. Hinc mirum non est, quod bina potissimum literatorum peccata, morbum eorundem familiarem, affectum puta hypochondriacum, causant: lucubrationes & vita sedentaria.

III. Coenam ac somnum minimum hora seiungat, ne actiones animales, quibus literatus præ reliquis opus habet, obtundantur. Ii quippe, qui a coena statim somno obrui solent, vt plurimum aliis hebetiores deprehenduntur.

IV. Decubitu conuenienti fiat. Decubitus supinus quamuis maxime naturalis a nonnemine statuatur, naturæque conuenientissimus; tamen experientia, quæ sæpius noxium ipsum demonstraui, subscribendum, & rationibus ab anatomia suppeditatis adstipulandum. In supino decubitu viscera infimi ventris renibus magis incumbunt, sicque feri segregatorem remorari videntur. Deinde motui diaphragmatis, quod libere moueri amat, idem resistit. Somnum in dextro latere incipere ventriculi structura quodammodo iubet, in eo quippe pylorus, per quem emittitur, quicquid coctum ad intestina ablegandum. Quando chylus exiisse præsumitur, consultum est decubitum mutare, laterique sinistro innitendo somnum ad auroram vsque continuare, quo absoluto ad priorem redire decubitum, vt non longius incumbendo lateri vni comprimantur nerui.

Somno prouocando confert emulsio sequens:

R. amygdalor. dulc. ambros. excort. ʒß.

sem. papav. albi ʒij. melon. lactuc. a. ʒj.

▽ *viol. nymphae, lactuc. a. ʒii ß. F. emulsio, percol. edulc.*

sir. papav. simpl. q. s. ad gratiam. S. Schlafsmilch.

Lotio pedum itidem cum fructu adhibetur e sequentibus parata:

R. fol. lactuc. salic. origan. a. miiij.

flor. chamemel. nymphae. a. mij.

rad. althae, asari bene olentis a. ʒj.

summit. anethi mij.

capit. papav. n. x. Incis. D. ad Ch. S. Species zum Fußbade.

CAPVT II.

De Motu.

Motus corporis *Jonstano Lib. I. tit. 2. c. 2. Syntagm. Med.* est eius per varias exercitationes ac labores commotio. Hunc inter res alias maxime vtilis summeque necessarias, ad humani corporis integram sanamque constitutionem conseruandam, plurimasque eiusdem languores ac infirmitates præcauendas, in quas alias homo ex nimio otio ac quiete facile præcipitaretur, sibi primum locum vendicare ait *Quercetanus Diet. polyb. c. 11. f. 2.* Cogitet igitur literatus, quod non possit sanus manere, licet edat bene, nisi & moueatur, iuxta *Hipp. l. 1. de diet.* quod ipsum præceptum est *Syracide c. 32. v. 27.*

Vt vero & huius vsus legitimus appareat, quantitatem eius, quam vulgo ad sudorem incipientem corporisque rubedinem intumescens extendunt, examinandam sumo.

Sudor autem incipiens corporisque rubedo intumescens, non in omnibus eodem modo obtinetur: varianda hinc exercitia (1) pro *Temporum*, (2) *Locorum*, (3) *Subiectorum* varietate.

I. Quoad *Temporum varietatem* (1) Vernal, autumnale atque hybernale, exercitia exigunt longiora, quam æstiuum. Hoc enim facile sanguinem aliosque humores parte subtili ac spirituosâ priuat, vt corporis amica fermentatio cessare incipiat, aliaque succedat austera, damnosa, totique œconomiae contraria. Quid igitur mirum, si post longiorem pilæ lusum æstatis tempore æstuante, quis obruatur lassitudine insolita, appetitu prostrato, atque incendio circa præcordia molestissimo. (2) Si partes diei respiciantur, hora matutina a quibusdam modicæ commotioni dicatur. Nec male; excrementa enim ad excretionem mouentur. (3) Demum tempus postum præcedens optimo iure motui commodissimum

mum pronuntiatur, & quæ motui commoda adscribuntur, maximam partem intelligenda veniunt de ciborum assumptionem præcedente. Mos igitur in Academiis est laudatissimus, quo exercitia saltatoria, gladiatoria, aliaque horis pastum præcedentibus a Literatis assignantur.

II. *Locorum varietas* impedit, quo minus eadem commotio eidem subiecto emolumento esse possit. Loca calidiora igitur cum rarefaciendi vi polleant, temperies calida ac salina diu id tolerare nequit, ni quis depleri velit spirituosam atque actiuam corporis substantiam. Frigidis contra in calidis locis exerceri conducibile. Humidiora corpora cum emolumento maiori mouentur ibi, ubi calidus & siccus aer dominatur, tunc enim eo magis corporis hæc exercitatio redundantem in toto corpore serosam humiditatem absumit, quæ verba sunt *Pisonis de morb. ex seros. colluv. p. 13.* Quæ igitur loca Orientem spectant, temperamentis humidis eligenda ad exercendum; Calidis, quæ Septentrionem, sub umbra & arboribus odoriferis. Breuiter: Loca aerem contineant cuius proportionatum.

III. Varianda exercitia pro *Subiectorum varietate*, Literati, prout superius dictum, diuersæ sortis sunt ac conditionis, omnes tamen, si sanitate integra frui ament, corpora mouere tempore iusto debent ac ventilare. Etenim quilibet

Cernit, ut ignauum corrumpant otia corpus,

ut capiant vitium, ni moueantur, aqua.

Lautioris qui fortis sunt, hincque pleniore ac lautiore victu vtuntur, ante cœnæ ac prandii assumptionem cum euφogia ad sudorem incipientem & ruborem exercentur, iis præprimis locis, ubi aeris nociui accessus, vt in sphæristeriis quodammodo fit, excluditur. Sic pituitosi ac frigidi humores in ventriculo rarefiunt, qui efficiebant, quo minus appetitus stimuli sentirentur. Tenui contra victu qui contenti viuere co-

guntur

guntur, supersedere omnino motu vehementiori possunt, iis-
que ad appetitus excitationem deambulatio modica sufficit.
Hi ludibrio se exponunt non iniucundo, quando, cur exerci-
tiis saltatoriis aliisque sumtuosis nummos consecrent, quæsti
respondent, ut appetitum ventriculi excitent. Quid opus o-
leum camino?

Omnia hæc fiant moderate. Non vrgeatur nimis corpus
exercitiis, ubi creber anhelitus artus, aridaque ora quatit, sudor
fluit undique riuus. Nec, si forte paulo largius incaluerit, æstu-
ans exponatur aeri frigido, quod Cardanus l. 13. de rer. variet.
cap. 63. inter incommoda refert, quæ maximam partem huma-
ni generis tollunt, quod pluribus probare huius non est loci.

CAPVT III.

Circa animi παθήματα versatur.

Nullus oritur affectus, qui non cum sanguine spiritus affi-
ciat. Aut enim rarefacit, aut condensat. Prius præstat a-
mor, ira, gaudium. Posterius tristitia, timor, desperatio. Sa-
nitas autem magis in principiorum nostrorum rarefactione,
quam condensatione consistit. E quo fluit, Literatos, quibus
condensatio turbidos ac opacos spiritus, operationibus intel-
lectus minime fauentes, gignit, nonnunquam amare, irasci,
gaudere cum sanitatis emolumento. Pituitosis atque cache-
cticis etiam Hippocrates 2. Epid. 4. t. 24. iram commendat:
ὁππότεν οὐ θυμὸν ἐμποικίῃ καὶ χρώματι ἀναλήψῃ ἐνεκα καὶ
ἐγχεύωσι. Diligentia adhibenda est, ut ex candescencia indu-
catur, & coloris reparandi, & sanguinis in vasa subter cuticulam
colligendi gratia. Iisdem sic affectis gaudium & amorem pro-
ficuum esse, e natura eorum colligere licet. Æmulantur facul-
tatem alimentorum, & medicamentorum, quæ partium te-

nuium sunt, viresque crassiora subtilisandi ac volatilifandi obtinet. Moderate igitur si iis Literatus indulgeat, nutritionem inde sentiet suauissimam, nec excessuum pericula ipsi sunt timenda, a *Quercetano in Diat. polyb.* enumerata. De moderandis autem affectibus *Cartesius p. 1. Epist. 24.* sic loquitur: Scio equidem impossibile fere esse primis, quos noua in nobis infortunia excitant, tumultibus resistere, quin imo optimorum sæpe ingeniorum affectus quam maxime violentos esse, inque illorum corpus vehementissime agere. Sed sequenti die, sedata per somnum commotione, quam eiusmodi casus in sanguine excitant, mihi videtur posse quemlibet animo componendo & tranquillando tum demum operam dare; quod fit incumbendo considerationi emolumentorum omnium, quæ nobis ex eo accedere possunt, quod vt magnum malum pridie respectabamus, nostramque a malis, quæ in eo imaginati fueramus, attentionem auocando.

Quid Musica in excitandis ac diuersimode formandis animi commotionibus valeat, in aprico est. Hæc mentem componit: curas ac tristitiam pellit: labores lenit: Spiritus recreat ac excitat.

SECTIO IV.

Ἐκκενώματα proponit.

CAPVT I.

De primæ coctionis recrementis.

Qui bene ingerit ac digerit, nec tamen bene egerit, sanus degere nequit, vt supra laudatus *Excellentissimus D. PRÆSES* in lectionibus publicis neruose nos docuit. Ratio est, quia cibus ac potus, vt & aer, non in totum corporis nostri membris assimilantur, sed subtiliores saltem particulae. Terrestriores

ac calori nostro coquenti ac digerenti præpotentes, natura stimulata foras protrudere laborat. Hinc pro excrementis, tam primæ quam secundæ ac tertiæ coctionis, emunctoria ac foramina struxit varia, quorum in suprema cavitate septem, in infima duo numerantur. His & pori accensendi, de quibus *Bartbolinus & Schenkius*.

Quod primæ coctionis recrementa, quæ per aluum natura elicit, spectat, peccant ea vel ultra tempus retenta, vel ante tempus excreta. Prius si accidat, Literatis incommoditates plurimæ oriri possunt. Inde nimirum caput vaporibus tentatur, vniuersum corpus ingrauescit, ventriculi coctio impeditur, & appetitus deiicitur, lumbi imbecilles redduntur, vt habet *Jonston. Syntagm. Med. vniu. lib. V. tit. III. cap. 2. art. 3.* Igitur *Horstii* consilium hic locum meretur, quo excretiones quotidie promouendas præcipit, quod etiam natura prouida facere laborat, quando temperantiæ studium, causas morborum mire præcauens, colitur, dum assumpta in debita proportionem ita immutantur ac fermentantur, vt homogenea vi caloris natiui partium nutritioni ac conseruationi seruiant, heterogenea vero per consueta naturæ loca, vi facultatis excreticis, secernantur. At vero cum sæpius intemperantiæ, Medicorum nutricula, litetur, multi saltem neutralitate sanitatis contenti esse coguntur, & sæpe alui obstructionibus aliisque incommoditatibus obnoxii redduntur. Hinc vt temperantes natura; sic intemperantes ars iuuare debet, inque facibus ultra tempus retentis inter alia *Solenandri* linimentum commendatur, cuius descriptio hæc est.

Rx. ꝑ. amygd. dulc. recent. pingued. anser. butyr. mai.

unguent. dialth. a. ʒiv. colocynt. gr. xvi. Ө Өil.

specier. hier. simpl. ʒj. dacryd. gr. iv.

M. F. l. a. vngu. ad illinendum umbilicum.

Solet etiam cum fructu \square ri essentia cum \vee alcolifato extracta, & in leni calore ad iustam consistentiam redacta, ad guttas X. vel XV. in haustu vini singulis diebus, vesperi a cœna exhibita, in alui fœcibus mouendis commendari.

Prunorum decoctum & suauitate & operandi promptitudine multa superat, maxime, si ei adiiciantur grana aliquot *dacryd. fol. Senn. Alexandr. Crystall. ac Cremor \square ri*. Pastui præmittendum hoc est, sic aluum seruat apertam, viresque adstringentium, si quæ assumantur, maxime obtundit.

Quibus vina arrident medicata, ii tempore verno *flores Acacia nostratis* colligant, vt ad vindemiæ tempus reseruatis vinum recens affundere, & fermentationi committere possint. Paradigma potest esse sequens.

R \times vini opt. recent. canth. LX. flor. acac. nost. m. XVI.

pass. min. lb. β . prun. Damasc. lbii.

cinnam. fœniculi a. ζ ii.

Omnia hæc dolio committantur, & ad macerandum in cella reponantur. Vbi per mensem hæc mista steterunt, vinum viribus imprægnatur tum alterandi, tum aluum egregie laxandi, vt mane alternis diebus, modice potum obstructionibus varii generis resistat. Quibus cereuisia vino substituenda est, ii cereuisiæ laxandi vires conciliare possunt, summitatibus *centaurii min. fumaria, meliss. sena Alexandr. rad. polypodii, aloe, & similibus*.

Quos pilularis forma delectat, assumere possunt pilulas Aquapendentis, paratas ex aloe rosata, ante coenam. Primas euacuant vias, & viscera roborant sine noxa, quæ succo rosarum emendatur. Quod si exaltatio virtutis harum pilularum optetur, *decocto fol. sen. Alexand. panchymag. Croll. dacryd. trochiscis Albandalid* præstatur. Sic in sphæram actiuitatis sublimiorem locatæ, in dosi minori, duorum triumue granorum

norum pondere, felicius & quidem sine noxa operantur. In usu possunt esse & aliæ consimiles, menstruo accommodo ad aloes extractionem adhibito, quo nomine Francofurtenses, Glassianæ, Nobiliss. D. PRÆSIDIS, Præceptoris mei submissa observantia prosequendi, & ex magis compositis marocostinæ, vel etiam Quercetani, Bontii, Schroederi vulgato sunt in usu, assumendæ semel vel bis, pro discrimine circumstantiarum, in septimana.

E contrario, quando alimenta ante tempus excernuntur, videndum, num causa adscribenda assumtis alimentis, an visceribus coquentibus, an venarum lactearum obstructioni. Si assumpta in causa, mutanda sunt, eorumque loco assumenda facilioris digestionis alimenta. Si viscera debilitata, confert usus ω Θ lis, \oplus li ad gutt. 6. vel 8. ante pastum sumti, *theriaca, mistura simplex, elixir proprietatis s. \mathcal{E} antiscorbuticum, essentia ligni aloes, \mathcal{I} absinthiaca, decoctum carlina.* De posteriori notari meretur, quod voto in diuersis subiectis ita responderit, ut ultra expectationem ab usu eius viscera pristina constitutioni fuerint restituta. Idem locum habet, quando viæ lacteæ obstructæ chylum præterlabi patiuntur, cum aperiendi vi polleat eximia. Eundem in finem commendandæ etiam sunt *radices aperientes, graminis, rubiæ, eryngii, cappari, ononidis, apii, fœniculi, asparagi, petroselini, rusci, tinctura ligni sassafras eiusque decoctum.*

CAPVT II.

De secunda coctionis recrementis agit.

SECUNDÆ coctionis, quæ a veteribus in hepate, a recentioribus rectius in corde ac toto sanguine fieri statuitur, excrementa varia observantur. Horum famosiora sunt serosum,

per renes; biliosum, per porum choledochum excretum.

Vtrumque nisi tempore iusto excernatur, turbas dare potest molestissimas. Qui autem sibi hic consultum cupit, atque serosorum excretionem promotam, id operam det, ut alimentis admisceantur diuretica, quibus urinæ excretio iuuetur, variorumque malorum genesis præcaueatur. Talia sunt, præter radices aperientes dictas, *semen anisi, fœniculi, cheresol. bacca iuniperi, nux moschata, amygdala amara, nuclei persicorum, aqua destillata cinnam. cubebæ, cardam.* \sphericalangle *salis, medicamenta* \square *rea*. A quibusdam *butyrum* non salitum recens, ieiuno stomacho nucis castaneæ quantitate quotidie sumtum, vias urinarias laxare, ad urinæ secretionem inferuire, ac sabulum calculi futuri tollere, dicitur.

Ne ductus bilarius obstruatur, vsus radicum aperientium itidem præcauet, specificè *Rhabarb.* eiusque *extractum, anima, essentia & pilula*, apertum tenent choledochum. Nec cerevisia medicata, de qua paulo ante, fauet eiusmodi obstructioni, quin potius quotidianus vsus laudabilem crasin partibus conciliat internis.

His liquorem pancreaticum annecterem, nisi autores in eius origine deducenda diuersas fouerent sententias. Sapore se prodit multiplici; modo acido, modo dulci, modo insipido, modo amaro, sicque ansam dubitandi multis præbet, an ad chylosam, biliosam aut lymphaticam naturam accedat, quod posterius tamen verum est.

Si obstructio huius præsens præsumatur, medicamenta laxantia, capite præcedente descripta, non sine fructu in vsum vocantur. Vomitoria quoque indicationi huiusmodi satisfaciunt, cum Literati præ reliquis hypochondriorum obstructionibus reddantur obnoxii, & vomitoria eorundem euacuationi inter alia apprimè destinata sint.

Fluxus hæmorrhoidum commodius huc refertur, & rite habens a multis præseruat morbis. Aperiantur autem vasa hæc hæmorrhoidalia in quibusdam quarto quoque anno, in aliis singulis annis, vt notat *Rondeletius cap. 23. meth. cur. morb. lib. 3.* In aliis multo frequentius. Fluxus eorum nimius, secundum *laudatum Autorem*, sistitur sanguinis missione e brachio, medicamentis repellentibus, sympatheticis, abstinentia: Promouetur interne aloeticis, exterius foliis ficuum aut panino laneo sedi affricatis.

Spirituosum excrementum, fuliginosum vulgo dictum, quod per pulmones emitti solet, commodissime promouetur exercitiis moderate institutis.

CAPVT III.

De tertiæ coctionis recrementis.

NEque tertiæ coctionis, quæ singulis partibus relicta, insuper sunt habenda recrementa. Et qui eorum rite separandorum curam gerit, non minus sanitati, quam munditiæ studet. A *Sennerto* duplex illud statuitur, crassum ac tenue.

Crassum sunt impuritates per cutem dispersæ, & indumentis eam ambientibus inhærentes, nec non aurium, oculorum, narium ac dentium sordes; Tenue, quod per ἀδηλον ἀγαννύω e poris euolat, vel sensibiliter per sudores emanat. Vtrumque debitam requirit separationem.

Illud tollendum (1) balneorum usu conuenienti, (2) crebra indumentorum mutatione, (3) auriscalpiis, (4) matutinis oris ac faciei collutionibus, (5) motu moderato.

Huius siue tenuioris sequestrationem promouent frictiones, corporisque exercitia, loco proportionato instituta. Sic pori aperiuntur, ac principiorum nostrorum mutuo colluctantium superfluitates subtiliores facilius egrediuntur. Sudores
in

in subiectis dispositis promoueri possunt *Rob iuniperi, sambuci, iuniperi, samb. mist. simpl. Bezoard. mineral. ad gr. VI. & VIII. Cornu cerni ust. Philosoph. preparat. &c.* Si cutis adstrictior secretionem impedit, *Horstius* iubet non modo lectorum tegumentis circa solis ortum sudores adiuuare, sed balneis etiam moderatis aquæ dulcis, tempore iusto adhibitis, cutim adstrictiorem attenuare ac humectare, sicque habitum corporis musculosum a serosorum copia liberare.

Non silenda Venerea excretio, speciei non modo, sed etiam sanitatis causa constituta. Quæ an ad secundam coctionem, an ad tertiam referenda sit, mihi decidendum hac vice non sumo.

Sanguinis actiua principia ita hic exaltata esse videntur, ut semen non immerito in Elixir quasi nobilissimum abiisse cum *Villifio* dicendum sit. Naturalis huius constitutio mire sanguinem, imo totum corpus afficit. Viuido quasi fermento sanguinem imprægnat, ut volatilifetur optime, totumque corpus suffundatur colore amœnissimo non tantum, sed & calore ac virium robore exoptato. Circa huius igitur excretionem quædam veniunt notanda. Ii, quibus fœdera matrimonii sacra

- - - Veneris decerpere fructus permittunt, decerpant (1) præ aliis ii, qui calido ac humido sunt temperamento, succulento ac optimo corporis habitu constantes. Hos bene iubet sperare *κλινοπέλη*, monente *B. Rolfincio*. (2) Parca seu moderata manu decerpant, quod est præceptum *Ægineta l. 1. c. 35. τὰς σφοδρὰς πικθυρίας σὺν ἐπαινώ, ἀλλὰ κελύω τότε πλέον ἀνέχειν; καὶ μάλιστα οἷς νοσημαί ἐσιν.* Coniugatis ter in hebdomade *Campanella* concedit, non coniugatis semel in mense, nisi religio obstaret. Videtur tamen autor dictus iusto liberalior erga coniugatos, præprimis non optime nutritos. Sæpius citatus *D. Rolfincius Method. commen-*

tator.

tator. lib. 14. sect. 7. c. 7. rectius prudentia ait congressus moderandos esse, eoque allaborandum, ne vires capiant detrimentum. Addi potest, ne forma externa patiatur iacturam. Canities, caluities, coloris deformitas vulgo Veneris nimiae sunt pedissequæ.

SECTIO V. CAPVT VNICVM.

Περίεχοντα breuiter examinat.

HUc aer ambiens, balnea atque vestitus spectant. De aere superius, & quibus ibi qualitatibus agit, iisdem agit & hic loci, notata saltem differentia, quod ibi inspirando; hic vero ambiendo.

Balnea non sunt promiscue vsurpanda. Iis, qui gracilioris naturæ sunt, ac plus de salino ac ☿reo participant principio, quam de reliquis, *Ionstonus* præcipit aquæ tepidæ balneum. Hoc mordacitatem ac humorum acrimoniam temperat, munditiemque procurat.

Frigida contra aqua poros constringit, nec quicquam effluere sinit. Calorem ac Spiritus ad interiora repellit, quemadmodum videmus tempore hyberno vinum dolio inclusum circa latera dolii congelatum, in medio vero vinum contineri spirituosissimum. Ex hypothese hac videtur balneum aquæ frigidæ internarum partium obstructionibus conuenire, si coniunctum sit cum agitatione membrorum. Vires ac subtiliores particulæ frigiditatem aquæ in balneo frigido fugientes petunt interiora, vnitæ hinc fortiores sunt, viasque obstructas facilius peruadunt, quam hinc inde per membra dispersæ.

Plethoricis, cacochymicis, catarrhosis, aut plane nullis, aut admodum parcus balneorum vsus concedendus; Inflammationi ac erysipelati obnoxiiis interdicendus.

In *Vestitu* eo respiciendum, vt corpus ab aeris iniuria defendatur, eique libera perspiratio conseruetur. Habent insuper vestes eam commoditatem, quod sæpius mutatae sor-des cutis auferant, perspirationemque promoueant. Qui corpus iunceum reddere vestibus laborant arctioribus, male sibi consulunt; quomodo enim pulmonum motui reciproco & sanguinis circulari reseruent libertatem, non video. Arctiora indumenta nec respirationi, nec sanguinis circulationi fauent. Laxiora præferenda. Vtque gratum & confortan-tem odorem spirent, in vestiariis poma odorifera, pulueres odorati e *cypero*, *iride Florent.* *ambra*, *moscho* aliisque compositi reponendi sunt.

Iidem pulueres, cyprii dicti, capiti inspersi & capillamentis, siccant, spirituumque animalium vires insigniter corroborant.

Qui cucuphæ vsu cerebri corroboracionem intendunt, possunt vti sequenti vel alia formula:

R. rad. irid. Flor. cyp. rot. a ʒiij.

lign. Rod. ʒii. xyloaloes ʒi.

fol. saluie, rorismar. a. mß. summ. stæch. Arab. No. V.

flor. lilior. conuall. lauend. a. p. ii.

sem. coriandr. basilic. a. ʒii.

cinnam. cubeb. gumm. benzoës,

styrac. cal. succin. mastich. a. ʒii.


troch. gall. mosch. ʒi. Incisa g. m.

& contusa D. in Charta, excipiantur mitra, capiti coaptanda.

Hic pedem figens Lectorem Beneuolum rogo, vt, quæ exer-citii ergo censuræ eius beneuolæ hac vice subiiciuntur, candide interpretetur, erroribusque iuuenilibus veniam concedat be-neuolam. Quin accuratius ac prolixius proponi potuissent, nemo dubitat: Verum

Autumnus, quæ dat, non ver producit & æstas.

ADDIT.



ADDITAMENTA
PARADOXA.

L. B. S. P. D.

GEORG. WOLFFG. WEDELIVS.

Cum tertia vice edenda esset Dissertatio hæc, dubitauimus quidem, more nostro, interpolare hoc argumentum; attamen non possumus non partim B. L. remittere ad declamationem nostram de *intemperie studiorum*, quæ præfationis titulum subit *Decadis tertia Exercitationum medico-Philologicarum sacrarum & profanarum*, partim ad complendum plagulæ spatium, Paradoxa quædam, diatam literatorum vnice spectantia, annectere.

PARADOXON I.

Quo magis urgentur studia, eo minus proficiunt.

Non possunt enim eo feruore continuari, quo cœpta fuerent, quin fatiscant vires. Qui nisu maiori dies & noctes operantur studiis, similes videntur illis, qui continuo cibum oggerunt nolenti volenti ventriculo, nulla ad digestionem relicta mora. Non satis est cœpisse bene in literis, sed &

pergere oportet, quomodo vero id fieri potest, scrupulo in-
iecto in via? Properati caloris stimulis flores nullos ferunt
fructus. Hi vero sunt finis studiorum, sine quibus frustra
sunt omnia. τῷ χρόνῳ tempore opus est, quod non temere
licet anticipare.

PARADOXON II.

Qui bene dormit, bene studet.

Mirum quantum delinquant literis dediti, qui vigilatas
ex ordine ducunt noctes, somnum capientes non quan-
tum debent, sed quantum volunt. Verum est, somno uten-
dum, quæ Agésilai erat vox, non ut ἀρχοῦν, ut domino, v-
tendum tamen ut amico, ut remedio. SuffICIENTER dormi-
endum est, nil temere demendum tam necessario penso cor-
poris. Sic vires reparantur, sic sufficiunt spiritus, alias bre-
ui non ita suffecturi.

PARADOXON III.

Plenus venter studet libenter.

Vetus præceptum est Hippocratis: vbi fames, ibi laboran-
dum non est. Ast animi labor corporis laboribus con-
tra lassat, & remiges motus omnis spiritus deposcit, qui, si
genium defraudes, duplici mactantur plaga, facere, quæ ve-
lis, nec refici fomentis debitis coacti. Frustra hinc sunt, qui
non tantum ad stateram, ad demensum, vnciatim cibum &
potum vix suggerunt corpori, sed & in hoc momentum sa-
nitatis ponunt; qui vno pastu contenti noctem quietam &
mentem magis serenam sibi spondent ad studia, & valetudi-
nis integritatem scilicet. Contra ea ferundo sunt oneri spi-
ritus, & vires satis suppetunt, si nil deroges armamentario
publico, nec commeatus desit.

PARADOXON IV.

Otia non dant vitia.

O miseros homines, qui nullum sibi concedunt otium, intempestiuo labore prosequentes amœna sua Musarum studia! Ita vero non relinquitur sibi mens, nec eruit, quod poterat, sepulta in librorum euolutione, intenta voluminibus, addicta laboribus, vtut liberalibus. Melius longe faciunt, qui honesto otio abstrahunt se quandoque a studiis, qui libertatem ingenio permittunt, qui diuertunt spiritus ad obiecta alia quoque licita, speculantes diuina opera, campos, syluas, hortos, nec seruilia sic reddunt sua officia. Hi sane floridiores meditationes concinnant, eaque inueniunt otiosi, quæ negotiis librariis innexis non in mentem vnquam venissent. Non ergo dant vitia hæc otia interpolata, non animo, qui inde serenatur magis, non corpori, quod quietem amat.

PARADOXON V.

Pluribus intentus minor baud ad singula sensus.

Varietas in omni genere studiorum oblectamento est. Capacissimus est humanus animus, & æque obruitur vno aliquo simplici quasi obiecto, quam pluribus. Quin si ab hoc illo diuertatur paulo ad aliud, vegetior redit ad pristinos labores. Est & ob id polymathia necessaria & accommoda, vt quæ ad esse faciunt ab iis quæ ad bene esse distinguas quidem, sed eadem quoque iungas sibi. Hinc, quod dicebat ille, qui non est in singulis aliquid, in toto est nihil. Non debet adstringi vastitas studii cuiuslibet ad

curtam suppellectilem, nec vastitate tamen terreri ingenia, sed demulceri potius ac deliniri sciendi audivissima.

PARADOXON VI.

Venus non est ingenii memoriae pestis.

Maxime damnata est communiter eadem & male audit apud literatos, quasi & spiritus, & vires omnes depauperet nimis, & ausim dicere, vel ob hoc quosdam minus ad τὴν ἀνόντη ferri, ut tanto magis sapiant. Falluntur tamen ut illi, qui corpori subtrahunt debitum præbium; ita & qui ad sacra eleusinia plus iusto horrent. Est sua & veneri vis ad suscitandos animos, modo cætera sint paria; est corpori suum superfluum, quod huc redundat, & sphæram suam absoluit.

PARADOXON VII.

Nec vita sedentaria, nec stataria fauet studiis ac sanitati.

Dum infra claudi sutoris incumbunt libris, nec mouent corpus, obtorpescunt spiritus ac humores vitales, nec promouetur circulus debitus, inde obstructions, & lerna malorum. Id vero proletarium est, & satis iam notum. Remedium contra hæc quæsitum peius fere est causa morifica, ipsa vita stataria puta, lassans summe vniuersum corpus, nec tollens culpam sedendo promeritam. Vtrique peccant, dum otio procul otiantur tamen, & fatigando spiritus lassant corpus, non suffecturis vtrisque ad continuandum usum.

PARADOXON VIII.

Nulla diata optima est diata.

Solent literati strictiori se alligare in omnibus communi-
ter diatæ, seu aerem spectes ipsum, cui se vix & rarius
exponunt liberiori, seu cibum & potum cumprimis, seu a-
lios eiusdem loculos. Illa vero ab antiquis dudum repro-
bata est sapientibus, Hippocrate, Celso, & vniuerso sanio-
rum medicorum choro. Non debent sana corpora istis ad-
alligari legibus, & prospicere quidem sibi, ac a iuuantibus
& nocentibus captare prudentiam moderandi corpus, nil
tamen temere denegare seu ventriculo, seu corporis curæ
reliquæ. Libertatis amans est homo, sed honestæ, & qui
sui iuris est, non vtendo priuilegium non amittere debet.
Sanis quippe omnia sana, & πάντα μέτρια, omnia moderata
optima.

PARADOXON IX.

Optimum medicamentum medicamento non uti.

Non tam moraliter id verum est, quid enim melius in
vitâ humana, quam non egere medicina? non tam in
morbis his illis, quam pluribus casibus, ipso fatente *Coo l.
de artic. cap. 35. t. 6.* sed cumprimis in diata literatorum,
seruanda. Non temere purganda corpora sana, nec conti-
nuanda indies medicamenta, ad nauseam vsque ventriculi
& vniuersæ naturæ. Satis est, sanos parum esse onerandos
iisdem, satis est etiam, in symptomatibus arcendis his illis
hypo-

hypochondriacis, solennia obseruare tempora anni, si quidem aliquo opus sit; reliquis quiescere. Nec pilularum aloeticarum crebrior vsus, educendo scybala æque ad vitam longam vel sanitatem prodest; nec alia, cæteroqui longe optima, quotidiano vsu possunt esse proficua.

PARADOXON X.

*Affectus hypochondriacus non est morbus
literatorum.*

ABsit hoc a bonis literis, vt cum cibus sint animi, corpori labem affricent ullam. Verum est videri pallentes, valetudinarios, infirmos literatos, ast sua, non literarum, culpa. Nonne satius est, modum tenendo proficere magis, quam turbando omnia intempestiuo studio? Est sane & Hygea bonarum literarum soror, nec tam infortunati sunt illarum studiosi, vt ad morbos, ad vitæ breuitatem properare debeant. Et si contingat aliunde labefactari corpus, maiori illorum prouidentia & præseruari & curari possunt longe facilius.

